

國朝畿輔詩傳

國朝畿輔詩傳卷三十六

長洲陶

樑鳧薌輯

任邱邊浴禮補石校

李棠

棠字召林號竹溪河間人乾隆七年進士官廣

東惠州府知府有思樹軒詩稿四卷

袁枚李君墓志竹溪宰如臯元和豐縣句容上
元天長合肥七縣薦卓異入都遷大理寺評事
授廣東惠州府知府罷官家居卒君勤於爲政
常言前案不清則後案又積乃立摘案法如幼
讀書自爲課程十日必結民咸便之尤長治獄
如臯陳某販紅草不歸其兄過張氏池塘得其
尸遂控塘主謀害塘鄰姚德助其詞甚力君厲
聲曰殺陳某汝也不必妄引他人姚色變脅以
刑乃云素善陳知其身有鬻女金故乘醉而夜
擠於塘人間君何由知曰姚有伴哀詐泣之狀

故疑之而以恫喝得之也。句容賊王二供與孔姓同倫。君不訊孔而專訊王。乃惡巧某快饕所教也。人問何由知曰：凡盜賊引人往往不實。我先根窮原犯使真情得而后再訊所引之人則思過半矣。原犯盜也刑之非過。倘無辜氓雖誤批其類於心不安而况加刑乎。官不可爲賊所用也。乾隆二十一年江南米貴。句容姦民聚衆萬餘謀劫王貢生家。君單騎往喚老成者前有三人聞然出曰：無他愚民求賑耳。君曰：求賑當在縣倉不當在王貢生家。汝命衆人歸家賑卽至矣。三人回顧靡其肱衆皆星散。君知此三人創亂者也。命其姓名至署領粟旋卽縛之。荷校以徇。合郡肅然。揚州至通州有舊河運鹽泰州徐家壩乃關上河水使不下洩者也。堵閘百餘年忽商人暗牘官私開之致上河水涸民禾盡稿。君勘明下河有七十二洞原可通水商不疏通舊蹟而罔民以取便。請於大府勒碑永禁羣氓欺呼江寧通濟門外有教場甚寬中間旗人牧馬民田其旁忽奉將軍檄稱民佔旗地宜歸還滿營。君請將軍發檔案以便辦治。將軍曰：此

係旗員口訴無案可稽君判請旗員同文
千三百餘畝周圍有柱有界外民由自
然旗員睦視無言將軍亦悔所著
詩集二卷子燧好學善文世其家
隨園詩話同年李竹溪性誠慤詩獨清超感懷
云罷官便有閒人集才老旋生後輩嫌相逢馬
上搖頭客得句知他勝得官得家書云急開翻
惱緘封密朗誦頻教句讀差守廣東惠州歸贈
云此行曾向貧泉過留得米心見故人
人嗚呼竹溪真能不愧此言故記之
紅豆樹館詩話先生少居里中與戈給諫濤昆
季結香泉詩社所作多散失後官江南與袁簡
齋太史交最契時相唱和今思樹軒集卽簡齋
太史評定本也簡齋論詩專主性靈先生亦沿
其流派故多諧
暢微婉之音

和兒燧

開憾如見爾愁思更茫茫飄泊憐霜鬢棲遲憶草堂牽

情兒女累回首海天長片羽乘風下蕭蕭吹作涼

桐城道中

晚發桐城道春雲帶雨濃橋危爭涉水寺遠不聞鐘沙
路平如掌蒼松曲似龍往來勞應接山色若爲容

重過白門宴方問亭宮保東園感賦

孤征途萬里中道好停驂花鳥渾如舊亭臺許再探秋
風辭百粵春雨夢江南此是西州路重來已不堪

重過桐城

重過白沙嶺松風響易哀樹從雲裏失人自雨中來吳
楚江山合乾坤圖畫開往還緣底事客路正徘徊

甲午秋日再過白門往隨園
舊愛園林好經年喜再過有身真髮鏤此會忍蹉跎未
覺童心減祇餘霜鬢多青芻與白飯留我住烟蘿

老去天涯客重尋到小倉曰雲霄翠篠綠水接垂楊蟬
抱風前葉荷生雨後香山中幽興極的的爲詩忙

謝公門下士今日賸何人武說嫖姚貴

謂阿定西

文傳屈宋

新

謂簡齋

閒中銷歲月夢裏散星辰垂老哀原憲莊荒我

更貧

余與袁太史枚阿將軍桂同出大廷尉鄧遜齋先生之門

家貧強作客歸思苦誰禁已是秋風候難留野鶴心老
知離別重涼怯水雲深應被山靈笑何時得再尋

與袁簡齋馬蔭千同年衙齋小集

落落星辰聚首新相看同是歲寒身
銜杯建業今何夕振轡長安賸幾人
剪燭低徊傷往事深談聚散悟前因
明朝會訪袁安宅可似當年臥雪貧

天津

小春時節過天津故國風花入眼新
喜聽鄉音重入耳愁教海氣乍侵人
窮年驛路腰龜重百里家山夢蝶頻
一去帝城今幾載不堪回首說風塵

留別楊村陳別駕

春風策馬趁斜暉地主留賓勝似歸
尊酒屢升文舉座

畫堂新挂老萊衣眼前風義如君少客路逢迎似我稀
此後江雲春樹裏相思應共雁南飛

秋日懷簡齋卻寄

靄靄晴雲感索居淮南木葉落何如風高幕府頻吹角
雁到龍山不見書白髮漸添秋色老黃花開徧故人疎
歲寒共保松筠節兩地何分吏隱殊

送崔懶樵明府北歸

惟有才人憎命達愁添別緒到東風驚時雅重崔陵表
當路終悲阮籍窮夜雨寒深春黯黯離亭花暖氣融融
孤帆目送君千里畫閣空餘月一弓

雜感

飛騰暮景日初斜
鏡裏霜毛兩鬢加
五嶺雲山新瘴癘
六朝烟雨舊繁華
金鐙桂酒尊前月
麥飯村醪夢裏家
自古蠻方多寶玉
難尋貝估作生涯

羊城三月雨濛濛
布被輕寒紙帳風
鎮日杜門愁對客
終朝面壁欲成空
二千石吏原非賤
六十年人到底窮
此後丹山盟未冷
羅浮香繞夢魂中

家遠人司馬由惠州遷袁州守余適去官賦此誌

別

春草連宵入夢頻
相逢倦眼又重新
開尊猶憶白門月

攬轡同傷紫陌塵
季子歸家袞黼黻
長卿得路馬駝駝
何堪萬里蠻荒外
揮手同看鬢似銀

皖江楊西峯方伯招飲署齋

皖水城邊一繫舟
依稀經界是吳頭
地從何日開新港
皖江新開技港人到衰年戀舊遊
客途遙風作惡
主人情重雨知留
開尊細話白門事
卻笑光陰似水流

和簡齋送別原韻

奮身炎海出風波
爲訪園林泊北河
君是傳人應不朽
我將歸老定如何
可堪白首仍爲客
便對青山大放歌
留得此身強健在
管教後會比今多

壬辰秋歸自粵中重入江寧幕府西園懷尹望山

相國

幕府秋高霜露涼西州誰禁淚千行百年華屋終零落

往事風流更渺茫無主鶯花啼舊苑有情燕子認雕梁

莊生已化袁絲在認得當年共曲觴

莊寧國太守經畬
袁江寧尹牧同爲

望山門
下故人

立秋

一枕新涼到薄禰蕭蕭梧葉落江湖衰年肺病秋先覺

沒世名心老漸無貧景自甘心淡泊午窗未減睡工夫

閒來物外尋幽趣緩步西郊借杖扶

春郊卽事

十日春寒一日溫
踏青人盡倒芳尊
誰家門草留弓印
到處攀花見手痕
新水平添紅雨漲
暮山斜映綠楊村
明朝又是逢寒食
銚冷烟疎欲斷魂

石梁臘日

臘日驚心歲事忙
蕭蕭一夜北風狂
凍雲屢合難成雪
老瓦微明覺有霜
松菊就荒空故宅
江山縱好是他鄉
梅花消息寒應斷
老卻孤山幾樹香

淮安留別篠園弟

春草中宵夢惠連
又斟離酒到愁邊
看君七尺丈夫子

老我白頭遲暮年未必聲名留海嶠祇餘書蠹守殘篇
明朝分手袁江畔雨灑花飛別恨牽

得簡齋書

浮生歲月百年易遠道音書一字難肯把死生勞問訊

曾託金賢村訪余蹤蹟

但憑鱗羽說平安名山早入深逾穩仙果

遲生老更歡

簡齋晚年生子

共惜分陰須努力臨池惟有勸加

餐

歸家

不爲莼鱸返故鄉蕭蕭襆被出朝陽相留祇有秦淮月

來照離人兩鬢霜

恩恩策馬趁斜曛滿路秋聲滿耳聞途上依稀人識我
相逢道是故將軍

池口驛

江上風波正險巖扁舟如葉繫江涯戍樓不管征人苦
半夜角聲和雨吹

夜渡揚子江

楊子潮平舟始放布帆無恙水溶溶江空夜靜魚龍寂
忽聽金山寺裏鐘

田志隆

志隆字晉三號葛侶大興人志勤弟乾隆七年

進士官廣西全州知州有研悅堂詩草

漢陽旅舍書懷

秋光馬上半消磨旅味濃於宦味多
小鳥暫窺温室樹輕舟重泛洞庭波
山雲似墨心疑瘴人語初蠻聽每訛
卻憶晴川芳草句我才不及且狂歌

徐浩

浩字飛山大興人乾隆七年進士官山西冀寧道

津門詩鈔先生幼而通敏文不加點居官明察

春晚

薰籠欲撤五更難小試春衫被體單
淺綠未回楊柳岸
新紅空憶海棠關
冷傳雁信書猶遠
凍寫魚牋墨未乾
昨夜東風何處雨
關心樓外杏花寒

馬光齋

兆鰲字來雲號醒流東光人乾隆七年進士官
江蘇靖江縣知縣有醒流集

都門夜雨有感

獨到秋陰不易晴
禪關坐雨入深更
門無剝啄塵緣少
伴有瞿曇意境清
閣上小鈴聲斷續
燈前長劍影縱橫
淋漓滴盡羈人淚
博得披衣聽到明

清江訪朱晴谷同年不值

秋蕊當風紅欲墜
芭蕉沐雨綠初齊
主人避客向何處
滿地清陰鳥亂啼

劉炳

炳字殿虎號嘯谷任邱人乾隆七年進士歷官

江西九江府知府有嘯谷詩草四卷

任邱縣志炳少勤學潛心究討王戊戌成進士入
詞林所爲詩賦華瞻博洽爲同館所推重己巳
出知九江府在官
數年民懷其德

竹琴

古皇蹻蹻器嶧陽生孤桐胡爲采嶰谷皎然異神農伶

倫遵帝旨鳳律裁黃鍾簫管告既備八音如鉅罍制器
貴尙象寧禁變與通遐哉慧心人徵材羞雷同美茲龍
鍾琤外堅而中空繫以寡女絲彈之聲玲瓏爨爆造焦
尾直陋漢蔡邕平昔笑世儒抗顏檢前蹤輒末溯邃初
更制千萬重稽古辨名物隔代卽夢夢大樂久絕響誰
解十二宮襄走曠也死終古歎耳聾羲絃二十五舜絃
已不崇何人增兩絃文武難開蒙矧此塊然質泥古理
亦窮執守象老聃萬世猶洪濛斯語訝紕繆試驗大易
中老眼久不放忽與雅器逢儻非龍門品未若斯製工
攜之修竹旁可以來薰風

題邊隨園徵君茗禪圖

壺然一幅維摩影露墜長松鶴知警茶烟晴裊小童清
淘洗靈芽注丹景獨霸文壇四十年唐之杜老宋坡仙
鴻詞未就經學罷靜坐蒲團號茗禪蘇晉逃禪酒盃滿
盧仝遇仙洗茗椀奄有二子成三人一片清機吾見罕
我有春流垂釣圖欲倩大筆淋漓濡還君此軸君應笑
魚目擎來換寶珠

紀復

復字夢餘文安人選宜子乾隆九年舉人有寶

樹新屋詩草

柳枝詞

扶蘇渡口蔭蘇堤翠靄蒼茫古木齊彷彿江南風物好
錦帆到處鷓鴣啼

溫如玉

如玉字尹亭撫寧人乾隆十年進士歷官刑科
給事中有靜淵齋詩存

王庭紹序先生詩和平恬
雅不事叫囂一歸醇粹

贈茅心友用昌黎孟生詩韻

良馬無逸足志士多苦心雲龍况韓孟託契重古今一
別幾寒暑天地激商音北來駐行旆漂泊空書琴無適

信浩蕩所遇多浮沈君才豈量斗君直不枉尋蒼松鬱
澗底雲上張高森筆落得神助悲來難自任雁字叢旅
興蝶夢曠幽襟文豹自澤霧清霜徒變簪人事雖代謝
險遇尤差參忽其風木警痛此日月侵長安既習近於
越匪嶠嶠季偉我同志將毋懷故林詎謂北堂萱各謝
青春陰君愴報本獮我泣待哺禽我淚觸君淚斷腸當
君臨憶昔坐齋寂相思得高吟君書三歲袖愁絕桂枝
南知勤夜陳篋殊乏出游金漸於世俗遠益惟古人欽
命意切墳典搗辭規雄款誰言長離翼不揚丹山岑逢
君如時雨挹注滄溟深聆君再三誨敬以當銘箴長劍

倚狂客短檠對書淫莫披游子衣更聽西風砧

長途苦旱衡山令黃芝園禱祝融峯得雨來致胙

因言七十二峯之勝用昌黎宿嶽廟詩韻贈之

農忙插柳呼龍公炎炎赤日當天中陰雲翳鬱不垂腳
赤氣久渴虹雌雄火維南鎮閱神物賢宰露禱靈源窮
偷湫再拜致一掬阿香叱馭鞭回風驚蛇閃閃山石裂
七十二峯蒼烟通排簷拉檻跳珠入但見浩白翻秋空
盪胸翫嶽麓高標沈祝融香雲浮泱泱彷彿開琳宮金
支翠旗隱光怪俯仰一氣駢青紅自緣上界足官府側
聞請命哀寒哀迎牲奠璧視崇秩蘋藻亦欲將余躬歸

途走馬踏石廩倉庾快覩一笑同王程先喜解煩渴松
濤萬斛來無終夜深坐聽蕉葉歇涼蟲暗壁吟神功猶
絨皓月誤清曉推窗靜倚天臃朦茅茨有人語刺促晚
禾力作勤于東

丁時顯

時顯字名揚號鵬搏天津人乾隆十年進士有

青蛭居士集

津門詩鈔居士少負雋才捷南宮後卒金芥舟
先生哭丁名揚舅氏詩云人間金榜後天上玉
樓成又詞賦已成梁苑雪榮華盡委洛陽塵蓋
傷其歿於京邸也詩古體學昌谷近體學文房
天才俊拔
無製不工

園林雜興

茅菴深樹裏獨坐晝冥冥階下無閒草牀頭有藥經
枯留琥珀石老破空青盡日西園裏相呼酒一瓶

天氣晚來清闌干獨自憑禽移別院樹犬吠隔籬
影平分竹古香多在藤王哀止招隱何事費三徵

雨後納涼

楊柳枝頭新月長水邊亭子晚生涼半竿豆葉雨初足
一片藕花風亦香木勺量茶浮鴨綠沙瓶沽酒瀉鷺黃
石闌干外松陰合恰趁幽眠六尺牀

秋月詞

愛月步庭前冷風響修竹竹方如我長竹影高於屋
牛思凝

思凝字方巖天津人乾隆十年進士官貴州大
定府知府有謙受堂詩草

昭通道中

三年踏遍夜郎溪又向滇南聽曉雞秋水乍漂紅葉冷
寒山自繞白雲低人逢曠野初開眼馬到平沙欲放蹄
萬里飄蓬燕市客故鄉風景動懷迷

李德舉

德舉字上卿號濟園武邑人乾隆十二年舉人

官四川彭縣知縣有三有堂詩草

出成都舟中作

衡宇欣歸去飄然出錦官
瞿塘雖涉險蜀道已辭難
佳興添新詠奇山得飽看
相知應信我清夜夢魂安

寶雞道中

雞祀當年尚有臺渭川釣處費疑猜
城牆半倚山形起邨磴多因水勢開
花滿錦城何日到路通雲棧引人來
煎茶坪上停鞭處怡得清心露一杯

蜀城酬陸赤南元韻

俗吏寧儕大雅羣不遭白眼許論文
山川久入胸懷潤

辭賦能生齒頰芬囿玉幾時酬善價囊雖何地見奇勳
相期相慰情無限君化爲龍我作雲

題畫

幽境無人到茅亭盡日閒碧雲紅樹裏擁翠有秋山

甲午六月奉調赴營

書生謬作千夫長素志寧希萬戶侯贏得山川奇絕處
吟鞭指點寫清秋

高成璉

成璉號書屏宛平人乾隆十二年舉人官湖南

黔陽縣知縣

獨坐

獨坐杳無極
淡然生遠心
西風掃石徑
斜日挂疎林
幾點秋山瘦
一泓潭水深
物情渾若此
何以慰幽襟

李中簡

中簡字廉衣號子靜一號文園任邱人乾隆十三年進士官侍講學士改編修有嘉樹山房集十八卷

李學穎先府君行述府君十二歲受知于湖州吳小眉先生入學十五歲受知于嘉興錢文端公補廩膳生甲子秋聞中式第十一名出少詹事張鶴洲先生門乙丑下第館京師與潘陽戴遂堂先生講漢魏盛唐詩法戊辰會試中式第二名出武進程文恭公門改庶吉士散館授編

修充國史館纂修官明年丁先祖母蘇太恭
人艱甲戌服闋乙亥補編修充咸安宮學總
裁丙子典試山左得士張君鍾琬等六十九人
丁丑會試分校得士允轉左其冬擢侍講視學
尚書房戊寅擢右中允轉左其冬擢侍講視學
演南歸仍直內廷癸未秋晉侍講學士充
日講起居注官其秋鄉試分校得士胡君珊等
九人戊子典試湖南得士劉君工詢等四十七
人庚寅恩利典試湖北得士朱君浣雨等
等四十八人辛卯會闈分校得士楊君浣雨等
九人秋鄉闈分校得士金君德輝等十四人
閏中受命視學山左教諸生專尚實學屏斥
浮華甲午九月值逆匪王倫之變會諸生有從
賊者府君坐失子約東交部察議吏議降九級
乙未秋賞授編修又以山東學政任內失察吏議降二
級以舊疾未瘳不能復供職遂閒居府君與人
容色款曲而自守甚嚴門人弟子請業者因材
引掖必導以立品嚮學自山左學政任後宦途
屢躋未嘗有抑塞感慨之狀供職翰林應制

詩二卷 賦二卷 平生所爲就樹軒詩十

七卷 雜體文二百餘篇 卒年六十有一

陸燿序嘉樹山房詩於滇於楚於齊魯皇華原

照歷志士風令人如身游其境而目擊其狀至

如詠懷古風諸什溫柔敦厚原本忠

孝益歎先生志趣之正與學養之粹

孫星衍序先生在詞館與同里朱筠河先生兄

弟及紀曉嵐大宗伯齊名相切劘一時文譽冠

海內然杜門著述未嘗標榜聲氣交于文侍御

濤以古道相勗死爲修服細禮故其爲學本

之孝弟以厲文行視學所至必察士風便安陳

奏章程刊布應讀書目以教諸生遺文六卷他

日列文苑以傳不

朽所謂有用之文

紀昀歲暮懷人之一廉衣振高節神龍誰得控

傲物本無心真氣自驚衆別我日以疎昨宵猶

入夢古道良足

希一官非所重

趙懷玉任邱追悼李廉衣先生詩宦海歸來松

菊殘重過愧里夕陽寒一經鄭重頻題篋三黜

蹊蹊到蓋棺就屋屢愁生計短
主恩寬剝那廿載傷心事門下彭宣淚未乾
紅豆樹館詩話先生五古原本陳王謝客以至
曲在伯玉摩詰少陵無不深造七古氣體宕逸
專學大蘇蓋能不爲俗面多師以爲師者近體
佳句如平原秋色裏獨樹晚風前谷暖草冬綠
雲深山盡昏香花隨臘鼓雨雪入春犁石峭全
擊屋雲低只傍船將愁一水曲裏夢萬山深
竹綠于水早花香到桃荒陂宿夢遠古驛落花
多京口樓臺秋入夢廣陵風雨夜題詩尊前夕
照衙山遠竹外寒烟聚浦多金馬雲開雙表出
夜郎天盡萬山平星河野館同孤夢烟月橫塘
感舊游涼筍送秋來華浦斷虹隔雨過雞關粉
蝶成團菜花路綠楊如畫鷄鳴村皆清新適上
卓然
大雅

詠懷

延首望西山
山高不極白雲橫半嶺幽鳥如相憶衆

動憑化流中道苦難息翠蚪不池潛孤鳳寧求食惆悵
千載心沈吟百年力

萬事歡轉燭四時悲逝水悲歡日縈紆我勞曷云已揭
來登薊邱遙望春明里豁達九衢平雞鳴冠蓋委流塵
路還飛落花吹更起甲第何人宅新垣壓故址翛然虛
閣風松聲管絃裏歎息子雲居草元何所擬

春草何茫茫曠遠連天綠淒涼萬古心回薄一時續浮
雲日夜飛白日無停躅昔與羨門侶相期碧雲宿棄我
忽如遺素書不能讀懷哉無與言松風吹老屋

希微智所寶惚恍道誠尊搏彼無名旨甄此衆妙門明

月生東海蒼蒼開南園露微花氣重風定林陰繁浩然
坐清夜孤思抽乾坤

我初客此鄉斷斷豈能免視彼海鷗驚愧我天機淺揭
來汰百慮紛與冷風遣野酌詩興多林臥勞夢鮮落日
聞擊壤天籟不可選

秋風動高柯夜靜烏鵲寒白露月明下空庭何溥溥開
軒望北斗垂光接檐端攬之不可及精力何由殫弱植
無特操霜雪促以殘茫然試矯首零淚如桑乾

赴真定途次河間車中成

落落栖一枝榮榮向三載悠悠南北人復與長途會日

出瀛海頭宿霧澄寒鷲古木毛壘平荒流董隄壞時時
見樵牧往往聞鳴吠烟火近郊垌風雲古關塞規途千
里中發興百憂外飢驅得壯游已洗胸中滯依彼平林
車逝與晨風邁回首望帝鄉西北雲如蓋

滹沱早發

荒流咽寒澌斷續聞幾里嚴關候雞鳴征輪驅未已風
急衣生稜霜重馬垂耳我生勞行役訪古滹沱水朝日
破霧出長橋排雁齒南通邯鄲道北走恒山趾不見麥
飯亭浩歌空徙倚

登中山寺中元洞

山程不當游佳處聊目送晚憩屏山根長嘯得崖洞虛
澗跨平橋層巖聳高棟嵌岑款石閭竚窅轉雲銜石髓
流成坳鍾乳滴初凍荒碑苔蘚埋古佛香花奉前榮有
平臺遠目豁一縱四山皆回抱一水可俯控人烟與飛
鳥遠色咸自徂天風吹危石岌業皆飛動茲山蘊靈異
非僅耳目弄猶嫌近市廛未與幽人共石屏吐新月夜
景繁清夢題詩付山僧勿使俗客誦

送張惕菴前輩罷官歸閩中

落葉無還枝去水豈停波人生若馳驟百感紛如何昔
來徇微祿盡室窮閩河三年賦歸歟襆被雙青羸弱妾

縫故裙嬌兒無完襍草草雞鳴道星霜耿長坡我欲飲
君酒爲君曼聲歌歌長恐愁絕明鏡霜髭多

同袍二十載離別有歲年明月出海嶠素心爲我縣揭
來九衢道挑鐙續前緣聯翩奮南圖結影天池邊九月
近華蒲簫鼓集羣仙酒酣登高樓浮雲浩連連故園黃
菊期萬里音書傳如何秋風客不待賓鴻先

溥溥空山露已秀前溪蘭游子歸來遲歲暮裘褐單惻
惻倚閭心撫背涕洟瀾肌膚削欲無况乃衣線端猶殘
書萬卷回首竹數竿兒童添早課鄉味加新餐親戚相
過存感激行路難丈夫會貧賤往事何足歎

衙齋雙松樹離立鸞鳳姿與君久哦此別後安可思少
壯能幾時年歲歟若馳心孤易多感蹟遠難爲期娟娟
螺峯月照我別鶴綠秋風醉翁門昔夢悄莫追君歸訪
仙茅古洞靈苗滋丹砂儻可成寄我游仙詩

曉發阿都田渡河過拉幫坡微雨暮宿郎岱

安順府治

渡水征馬嘶修坂橫空曲羣峯方吐雲寒草風肅肅石
磴雁齒排牽挽煩僮僕乖崖抱稜角尺寸勞心目亭午
山腰塘炊飯就茅屋前山雨氣來野色暗松竹妻孥興
力單憑仗雙健足畏途兼雨雪安穩誰能卜歸程尙迢
遞客况屢蹢躅垂老念爲家艱難愧多祿暮投山城館

喜傍人烟宿猶勝少陵人飢寒走巴蜀

惡灘

衆灘險以石惡灘石尤惡蹉跎萬蛟鼉磨牙厲齟齬出
沒波濤間倏忽風雷作如喜行舟來百怪皆踊躍平生
道途緣忠信如可託雖無蒼精符未富黃金棗夷險真
自知名實爾何忤匏尊漫雙浮虎口輕一掠觸突小瑕
隙補苴太羅罽癡女不解驚病妻神已索洪鈞鑄萬族
賦性何冥漠晚泊月生洲空山鳴鸛鶴

華嚴菴夜雨題壁

魚龍警禪闕夜作空山雨松門萬重暗佛火一龕聚蒼

茫神靈意瀕洞天
地府鐘魚聽沈沈
寒夢杳何許

秀水道中

越水不生烟
吳雲時作雨
紆餘引孤興
窈窕難具舉
後
塍稻穗垂芳淑
菱花聚桑柘
藹芊芊廬舍各有主
晚蓮
尚含房
婉嬋依靜渚
豈無好句投
欲采慙莽鹵
孤鴻天際來
萬里傷毛羽
鷓鴣不同夢
中夜起沙浦
風露悄空江
含悽聽柔艣

秋懷

悠悠歲時徂
渺渺關山隔
宮袍減故香
餘此霜露色
寒蛩警夜思
獨鳥厲晨翮
昔與偕侪侶
敖戲金庭側
仙源

豈迷津去住成今昔袖中三歲書惆悵傷遠客

少年富天機有志五嶽遊常負雲霄期恥爲梁稻謀白
雲橫四海飄風過炎洲崑山瓊玉枝翠水珊瑚鉤洞天
集羣仙抗手相遨遊淩清玉堂夢恍然適林邱故園
玕林十畝風修修壯懷旣云已多病何所求

窮鄉渺聞見好我祛愚蒙縞紵杵臼間出門頗有功竭
來三十年雲雨乖前蹤聲名苦相索意氣難爲終常恨
風雪夜對牀無與同安得鹿門宅雞黍從龐公

人定燈炷微衆喧一時寂孤情將何託對影哦空壁不
知憂歡侵坐覺鬢髮自古來乘化人共此秋風夕菊露

滿前庭悄然舟壑蹟

觀雪浪石作

石高丈許太湖品也左顧篆刻雪浪二字歲丙戌趙州牧得于蘇中制府

以聞御賜碑記辨爲非是

我過定武訪雪浪

御碑屹立石對蹲蘭亭斷碣久遷

徙此物何得歸然存蘇公已往世莫辨幸有遺篇堪討

論忽然侔揣作飛礮要知體物非空言當時燕雲落強

敵此地控扼稱雄藩公來坐鎮練軍實邊警不到防秋

垣間題片石寄鄉思如入巫峽看瀾翻飛鴻偶然留指

爪春夢那復尋癡痕幾年傳會好事手剽取妙目鐫孤

根風巖水穴小山格氣象刻露非溫敦故都名園有零

落怪物揭孽中宵奔精靈不隨黃土盡聲價竟附青雲
鷄文思洞鑒更容納一物亦荷帡幪恩摩挲望古三歎
息蕩蕩皇路馳行軒

送張穀詒之官嶺南兼寄張希周前輩

希周以編
修改鶴山

令

火雲烘日荷風酣游子六月驂征驂尊前別緒渺雲樹
逸興已落天東南與君同袍知君久民社夙許長才堪
况乃靈境足壞怪嶺海汗漫窮幽探海山樓高三百八
珠江倒影光涵涵生翠風帆集番舶金布最最多於鱗
十郡訐樂畧相比縱有衝辟無辛甘堯佐尙遺惠州惠

隱之豈受貧泉貧折花萬里寄朋友馨香可貴非空談
一麾三載有宗傑才如坡老居瓊儋公餘爲我道問訊
普天行被 皇恩覃

檢書圖爲盧抱經作

好錢好屐兩成癖忍飢誦經伊何人三揖窮鬼延上坐
一療俗病無點塵破家聚書滿萬種百城雄據何嶙峋
丹黃點勘渙氷釋迅度鬼國超迷津我生嫺嫺厭開卷
讀未終幅思欠伸攜蒲亡羊分捶撻鼓吹入夢虛吟呻
長安邂逅已頰首載酒幸託同袍清道華昇仙無舊業
玉京問字愁逡巡何人爲寫檢書照兩姝姪姪供篋陳

秋江小幅舊學步顧影何似東施顰竊聞聖功離言說
况乃文字空遺薪試寫束書坐繩榻杜德更示維摩眞
飛雲巖和芥舟

飛雲之巖雲所隔停雲飛去飛雲停荒岡萬疊蠻井絡
安得數點芙蓉青初隨流水到靜境幽鳥啁晰和風鈴
花關辭磴幾曲折翛然置我羣眞庭翠濤捲空雲撲地
倏忽萬怪生元冥諦視非工亦非匠天然結構檐屋形
縣崖小草外豐縹危根勾水中涎潑生烟浮動山水障
神蚪鼓鬣鸞側翎三峯離立若無蒂母乃飛渡來東溟
迴轡沓嶂自包裹不與衆阜爭岩壑徘徊暮靄四山下

松間佛火光熒熒空巖泉脈轆轤轉玉津一漱千瓏玲
戈子賦詩工象物五字欲代磨厓銘明知韻險未敢次
且免學步嘲山靈

關嶺

長坡緣山五里強官道詰曲作之字卻登絕頂望羣山
蒼烟萬點堆平地羣山如水興如舟天風蕩作逍遙游
崖迴澗側風不定一徑松濤下寒磬

水車行

河低田高水不升桔槔力薄翻車興轉輪自挹還自注
白波淥淥千溝塍澌溪流急最宜此山腰無土空峻嶒

東來百里眼乍豁高灘迅鼓雙機騰地接湖湘水雲濶
江鄉風味來頻仍三吳歷歷前游地魚莊鱗舍年穀登
臨江百畝未得買欲爲此樂知何憑長筇偏宜穿竹落
磐石正好安魚罾草衣一老坐茅屋抱甕不勞橫兩肱
秋風早刈再熟稻糟牀日注邀賓朋

韜光寺

萬古韜光寺天關鳥道通半巖收海色絕頂下江風野
竹流雲白幽花遲日紅金蓮池畔句長慶兩仙翁

懷邊十趙珍

吾邑苦吟子工詩不厭窮隨緣添白髮爲客幾秋風嘉

樹空懷白長楊未薦雄何時歸袂把醺酒桂巖叢

贈朱筠園兼寄令弟斐瞻

君家季方氏於我最相知風雨仍今夕星河憶往時劍歌游子興樽酒故人期爲問東山葛新成兩鬢絲

五月二日泛舟天寧門至法海寺看竹小憩程園

遂游平山堂暮歸

石磴盤空曲松濤走下方廢興千過鳥今古一登堂江色浮瓜步嵐光接建康蕪城殘照裏萬頃稻花涼暮色萬松亭天風響佛鈴疎燈明遠郭返棹亂寒星良會初投轄名山始建瓴何當乘興往石鼎試中泠

天竺寺題壁示具如上人

寺傳爲謝公別墅

殘棋空六代別墅見雙林花竹弄秋色江山傷古心香
臺初月影禪板夜潮音萬劫回環地真源試一尋

玉屏逢葉毅庵編修入都

石瀨維舟處雲巒去馬邊相逢如一夢此別又三年明
月夜郎道青春鴻雁天羨君歸路近閒賦遠遊篇

舟興

一枝柔艣破烟輕臥聽黃頭報水程柳岸近涵茅舍影
柁樓早帶午雞聲已判梁燕三年別直訪沙鷗萬里盟
爲報江花香早放錦袍人作弄珠行

送戴東原南歸

惜別翻憐忽漫逢，尊前天末失雲龍。
鴻飛紫陌無多日，秋到黃山第幾重。
避地名高孫祭酒，傳家學絕鄭司農。
漢京故事榮稽古，歲歲三朝考大鏞。

孱陵驛早發

人語雞聲隔岸東，遠陂宿霧轉濛濛。
一灣竹樹響寒鵲，十里水雲低曉風。
馬首月銜巫峽白，雁邊霧落洞庭紅。
今朝南楚探春色，欲問江潭蕙芷叢。

過沅州

龍標城下草萋萋，沅水東流納五溪。
夢裏孤帆銅柱北，

天邊新月石屏西空山洞穴留秦贅古廟香花賽范妻
多范大夫妻廟蓋因范蠡西施之說傳會之 萬里炎荒身一葉不堪重聽鷓鴣
鴉啼

鎮遠入舟

如掌烏篷落急湍江湖昔夢悄無端西泠載酒秋濤壯
京口懷人夜笛殘旅思半銷中婦鏡山程初變大王灘
輕舟欲泊嘯猿數可似三巴道路難

喜揚州藥根上人來京過訪卽用見贈原韻

二分明月廣陵鐘步履東僊識贊公豆子秋深江句雨
梅檀香散帝城風蒼浪客鬢寒花畔蕭瑟琴心落葉

中禮罷名山更迴首爲君三徑翦蒿蓬

家富野起部弟兩過荒齋不值屢承惠茶賦謝

空庭樹影亂鳴蟬落日停雲思悄然城闕偶淹行藥蹟
琴尊頻冷過橋緣苔荒舊雨人還問草綠秋窗夢又牽
最是消中煩記憶松風石鼎贈安禪

雨發東湖驛

石徑無泥溼不妨趁行雨色送微涼新松似女娟娟靜
晚稍如花漠漠香藻鏡只申前路約江湖偏觸少年狂
秋懷忽落長沙外九面衡峯轉碧湘

早行

遠峯杳靄上朝暉
馬首穿蘿露未晞
一徑候蟲醒倦耳
昨宵涼雨試生衣
麥苗得歲秋先入
關塞連天雁正飛
廿載驅馳慙報稱
故山空冷釣魚磯

虎街

入谷三五家
壞壁無雞犬
月落黃蘆風
隔窗聲翦翦

重遊金雞邨

楊柳千條蘸碧流
家家紅杏出牆頭
一年一度金雞約
飽聽花邨喚雨鳩

重宿龍泉精舍題壁

驚峯空翠落危椒
桂殿雲香月下飄
一夜秋聲生竹樹

只疑門對浙江潮

題蔣莘畬編修歸舟安穩圖

圖有太夫人題七絕句

柳邊曾識放舟人拂面飛花岸葛巾

莘畬戊辰落第作歸舟酒醒圖取柳

屯田楊柳外曉風殘月句意

廿載布帆無恙在錦袍芳草一時春

垂白含飴弄掌珠幾年新婦亦成姑臨風自譜將雛曲

千里澄江似練鋪

潞河銀鱸饌春盤解纜從容勸一餐四十年來婚宦蹟

吳船三板載平安

保陽夜雨感舊

三十年前謁大師

新安張天池先生

講堂南畔看花時夢回孤

館瀟瀟雨一炷青燈照鬢絲

重過岡津庵觀芥舟題壁感賦

依舊清詩著粉牆
懷人淚灑贊公房
不須更奏山陽笛
斜日西風戰白楊

國朝畿輔詩傳卷二十六終

朝畿輔詩傳卷三十七

長洲陶

樑彛薊輯

慶雲崔

旭曉林校

朱珪

珪字石君號南厓大興人筠弟乾隆十三年進士歷官體仁閣大學士贈太傅諡文正祀賢良有知足齋集二十卷

朱錫經南厓府君年譜府君十五歲補順天府學生丁卯十七歲舉于鄉戊辰會試中式十二名改庶吉士辛未授編修壬申陞侍講丁丑充日講起居注官戊寅陞侍讀學士己卯典河南鄉試得士吳廷堅等吳睢州人關中搜落卷得之榜發知爲老名士庚辰充會試同考官秋授福建分巡糧驛道辛巳夏兼攝福州府事毀和令二聖廟三相公牛頭大王鐵頭和尚諸淫

祠民大驚服癸未陞福建按察使甲申先祖光祿公卒訃至歸計秉臬於閩僅一年有偽官逆書二案並發府君嚴訊得實案成誅正犯一人其受欺者不殊連子孫得不坐丁亥服闋授湖北按察使戊子調山西按察使已丑陞山西布政使辛卯護理山西巡撫議奏籌土默特當差官兵盤費又奏新開牧地米石請改徵折色以便民除弊奏上下部議行乙未請覲授翰林院侍講學士丙申奉旨在上書房行走侍

考官奉

命爲福建鄉試正考官得士其後仕學有聲者如伊太守秉綬鄭進士光策等

甚夥庚子奉

命視福建學瀕行上五箴於

辰邇從

今上潛邸癸卯回京復命甲辰邇從

奉命開召試江蘇安徽江西諸生卷復奉

命開召試江蘇安徽江西諸生卷復奉

山西布政使欽縣金君應琦掌河南道御史鮑

君點茂禮部郎中雲南學政南豐譚君光祥刑部員外郎太倉汪君彥博吏部員外郎欽縣程

君振甲其尤著者丙午授禮部右侍郎奉

命主江南鄉試得士經術通者阮中丞元孫

觀察星衍張編修惠言李太守廣芸副榜吳庶

子蕭鮑侍講桂星與焉欽方渠能爲清微元妙

之文江都汪中則不工爲時文其學通雅精確

爲江淮學者冠府君遍閱卷萬二千本未得兩

人淡月不釋後知兩君皆未入場汪君以明經

俾晚公卿傲視科目然聞府君求得其卷感不

已書來願爲弟子孫君通小學其首場三藝皆

宗古注搜落卷得之曰此必孫某也後庚戌會

試得洪君亮吉卷亦然府君與兩君皆無一面

也八月命充經筵講官庚戌充會試總裁官得上

文翰等一百二人榜發海內知名之士皆在選

中士論翕然授安徽巡撫乘船至宿州西北拔

礪山東南至靈璧一百六十里露處棚棲紫雲

相望仰蒙恩賞一月口糧卽督率分給

其隄埵嚴催趕築甲寅調補廣東巡撫奏嘆估

明人貢使臣有寄送總督海關監督禮物二分

告以天朝大臣例不與外夷交接丙辰補授兩

廣總督降補安徽巡撫已未還京充會試總裁
官調戶部尚書時清釐漕政嚴禁浮收等弊於
是漕帥請每石加一斗為津貼費奏旨
交有漕督撫議奏江督乃有上江加增銀下
江加增耗米之請按其所增數較原徵銀米上
江加倍下江一倍有餘府君到部與堂司官面
議自為駁稿內稱小民未見清漕之益先受加
賦之害等語奏上庚申長蘆鹽政奏請每觔鹽
價加錢二文府君首發議以為不可壬戌以戶
部尚書協辦大學士仍加太子少保銜兼翰林
院掌院學士並以原銜充日講起居注官倉
場侍郎奏請預徵錢糧四五十倍準作義監生
終身免賦府君自作駁稿云國家正供自有常
經而名實尤關體要取民有制蠲免有因從無
預徵數十倍而賜復終身之事於名不
正於實有傷枉尋直尺殆有甚焉其說斷不可
行奏上加議甲子晉太子太傅乙丑補體仁閣
大學士充會試總裁官丙寅十二月初五日逝
初六日 聖駕親臨坐奠二十五日葬於
呂村之阡丁卯三月恭刻 御製碑文立

石墓前十五日加
恩賜祭七月入祀賢良祠

阮元序吾師大興朱公未弱冠入詞林與兄竹

君先生競爽早被高宗純皇帝任使敷

歷中外深器德量命直上書房講誦有

日盤舊學之義焉師授全集命元選訂師之詩

闕中肆外才力之大無所不舉且直吐胸臆真

情至性勃勃動人未嘗求肖於流派而實於杜

陵昌黎爲尤近古名臣大

儒之專集未有盛於斯者

蒲褐山房詩話公兄弟少入翰林卽以高文典

冊照耀蓬萊華蓋之間爲藝林所仰垂三十年

然其尙名教敦清節世或未盡知也任山西布

政使司以方正爲巡撫所廉謂其不諳吏治改

官翰林久之上深知公公正廉直累擢

爲巡撫入長吏戶二部而愛才下士士以此望

而趨之昔韓忠獻爲中正所歸而於元祐諸賢

未嘗偏徇葉文忠爲清流眉目而於東林亦無

私好先生蓋深

紅豆樹館詩話文正少爲文深慕黃公石齋公
祖與高安宋文端公相友善公父受經於高安
公遂盡傳高安之學與叔兄竹君學士齊名人
比之眉山蘇氏稱爲二朱其在位也廉峻公誠
數十年人皆仰之而愛才下士尤見休休有容
之度如汀州張孟詞武進黃仲則皆以文學見
知於其歿也猶惋惜不置其他文章經濟之士
得公獎藉而成名者必曰出石君先生門下以
爲榮宏聲偉望海內翕然公於經術無所不通
漢儒之傳注氣節宋儒之性道實踐兼而有之
知足齋集中應制諸作摘華挾藻實大聲宏
渾渾乎朱絃清廟之音至於感物懷人模山範
水長篇險韻皆眞意流行鈔然別開生面嘗自
題詩草云昌黎全詩三百八已駭怪變雄山河
後來才大號蘇海萬斛泉湧惟東坡偏師仄徑
爭纖巧瑣碎蟲鳥奚足科蓋宗尙在是故不覺
筆端流露自道所得也公集經芸臺相國選訂
談藝者已奉爲金科玉條茲更詳細抉擇俾畿
輔後學知所宗仰云

冠山家兄以官事至京留家一月將還江西作詩
五首送其行道過濟陽與仲君共閱也

三年去京國一月來家居親交各執手歡愛盈庭除念
兄急王事歲暮勞馳驅此行歌將父私願且得俱解顧
覺今豐挽鬚比舊舒喜見兄顏色笑慍如當初不惜寒
夜長秉燭意有餘晨興戀堂上視影欽居諸暫留誠可
貴欲別千踟躕

季冬天風寒晨駕就長道胡爲苦揮涕三春暉可寶念
我庭闈心似覺聚首好生男射四方豈望窮居老兄今
行首路哭墓親祭掃長號我先慈不及兒達早九天有

絲綸豈被九地草念之慟五內使我腸如擣

我有四弟兄兩兄皆出仕兄今過濟陽爲我告仲氏宦
游雖云樂日月不可恃前日寄我詩瞻望勞陟屺雁離
亦已哀尋聲貴知止榮木亦已華不如恭桑梓東坡苦
無田不歸誓江水豈知夜雨聲終老不到耳懷哉我諸
昆何時酒共釀

昔歲兄之官作詩贈君行屬兄訪兩樞漂泊留南荆外
妣間已歸庶以慰孤惻伯母殯釋寺魂魄尤零丁今夏
兄之楚表識兄所經哀哉故鬼小不得藏佳城我家近
世中恐有不祀塋何當修其廢魂兮依宗祔

臨別更何贈在官終言官淵明戒苟得魏風歌伐檀誰
爲民之牧愛惜知艱難嗷嗷卒瘁口况忍取其殘晝食
不過飽夜夢亦得安譬彼有源水自出清波瀾濁渠雖
云滿翹足可待乾兄其爲高鴻飲啄從漸磐

送劉侍講映榆視學粵東

鳳皇下壁門銜符向炎海雲中聚九光天外散五采嗟
子富文章簪筆上天垓飄然西清客欲御南風凱碧雞
與金馬動影久相待火樹爛珊瑚淩波發蓓蕾山辛叢
桂蠹水馥幽蘭茝行行未宜遲秋英及可採

粵惟古南交人文發火房曲江鳴開元孤鴻厲修肱自

從昌黎來手翻蛟龍藏揭陽招趙德二區參翺翔前明
有陳湛黑海攀扶桑 國朝盛詩家後起才尤強乃知
海靈富不獨金寶裝不貪識其氣爲我還珠光

文章心之鈴清濁無不聞搏鼠流貪聲扣牛戛廉韻勾
萌出天機枝葉蔓世運使者有風教一國變喜愠譬彼
麴與蘖厚薄隨所醞又如考鐘鼓乃在鳧與鸞有章視
其質聚鵠恐敝縑所以貴由衷明堂羞藻蘊

翡翠尙有羽犀兕尙有角遠隨方物至萬里光燄駁海
底明珠磊磊亦在握豈有真文章不得並卓犖知子
愛才癖肝膽獨忠愨玉敦與金卣須子好追琢平生想

羅浮桂棟倚梅桷子其招山中歌舞下鸞鸞

宿祝聖寺

列松蟠根高孤桂敷葉大仰面數乾星傾耳送溼籟地

巖方明舊

寺本行宮改建

鄰偏眞宰會沐浴燈青熒夢覺聲磬

磻上人如湯休清吟激楚汰美汝飽山水慙予何戈殺
雀躍問雲將去住何所蒂

寶善山房

招隄扼石磴駕虹渡玉版怒淙激聲牙鋒利爭齧鏹枕
流清聒耳面峯闌人眼息此牽挽勞是我上下督惡危
緬呂梁構虛思蜀棧拾級初淹留取興慰蹇產

湧泉寺

招提敞山曲，掬雲入僧寮。靈嶠填深潭，咒水龍不驕。伸
指檻泉出，菌蠢聆海潮。桓桓忠懿王，神宴來相招。香花
供百戲，聖箭通九霄。沙溪避忠骨，移塋凌山椒。到今一
千載，支壤非一朝。茲山旣名勝，朱李名題標。萬沙撒恒
河，誰是魁衡杓。嗟余亦何爲，懷古空歌謠。

喝水巖

舍寺尋靈源，下級下巖洞。兩崖截膠葛，鬼斧試鑿空。晏
師誦其中有，似牛鳴甕叱咤水。倒流移湫息，耳聞縱橫
古今字。後刻前或謬，徇名窮巔淵。爪落鴻已晏，安得亡

是公听笑吞雲夢

喜雨呈舅氏冀孟公

司牧額上泚農夫眼中淚齊心哀龍公迸此雨脚脆久
愁雲慘淡暫訝珠瑣碎綿綿聽簷溜欲斷屢驚悸遙知
四郊外黥黥入芒穗行恒交雲根汾漳次潤氣居然生
枯槁不忍嗜蕪蕪深慙肉食鄙靜念糠粃悴浹初謹齋
厨頗狎菜根味行當賽雨師歌舞薦祈崑寄聲白水翁
清宴許我醉

次韻竹君兄南陵見懷之作

去夏旋京國不及十日留與兄暫聚首散影如萍浮兄

復馳使節江山千里修三復白馬篇神動平原侯歲除
感尊酒不得同沐休仰雲雁穿塞俯淵鯤拔湫奮飛隔
隄阪陽侯阻方舟日月去何駛叢桂開山幽珍重一紙
書慙我夢寐求上言教孝秀倫紀敦大猷下言勸經生
實勝文則優寄我南陵作登眺慕匹儔宣城憶元暉江
樹今昔侔時當寒食後望遠懷故邱明發戒征邁何以
解離憂念我三十壯始作東南遊四鳥別完山明月同
高樓常恐違初服貽我親愛羞滔滔大江水濫觴先汗
杯名聲與榮祿清濁分渠溝兄今富文章不朽爭上流
我豈異所趨百匝庭中楸中宵望南斗檣客轉四陲高

哦振金石探勝俗僕騶知君千峯頂一豁萬古眸會當
調雨鶴小別何足愁他時訪初平聽我鞭羊謳

東寄葉辛麓觀察

五年游同方千里求同氣君如陰羽鳴我苦濡尾濟豈
伊杞柳性甘作匏瓜繫大鈞忽我私善解不用掃蔚然
歸舊林適比山梁雉兄弟喜予來同牀話深契妻孥喜
我歸尅羸欲嫵媚舊雨喜我來疎星映躔次新雨喜我
來尊酒畧行輩我樂誰當知鯨魚在濠際寄語素心人
遙遙莊與惠

贈邵閣谷太守并東六令兄舍人

少年輕相知老大重執手與君昔飄鳴灌木初求友浮
雲意氣多濃淡閒杯酒猶憶接扁舟風帆纜沙柳三山
我歸來一麾君出守永嘉又錢塘冰玉映賁負知君歆
水清怪我責人厚庶幾欽前賢豈獨高部婁

君家瓊樹枝不數陸與庾紫微老舍人抱玉扃文府貫
鼎二十三獨手刷月斧遺我尺素書刈稻必辨鄰如何
空谷馨春風闕蘭杜君行好攜手湖山聽夜雨二毛篤
天倫此意各領取願言加餐飯明德老須努

擬謝康樂富春渚用原韻

浙江溯盤紆觀山鬱城郭扁舟中浩淼層巒遠迴薄暫

霽翠花啼潄雨珠霏錯申屠歧清惠赤松闕洞堅開張
得曠覽窈窕想幽託帆風惜超越梯雲愧蹇弱詎無尙
子心未踐疏公諾石根裊膚寸烟樹隱村落仁智從所
觀默存在蝸蟻

仙霞嶺

凌晨發山館逶迤入嶺麓日及粲白丹蒼蔚交竹木壁
蝸延一線蟻磨旋千轉仰睇闕青蒼迴矚蕩心目山腰
得精廬呀喘息興僕再鼓升天險重關搯地軸唐巢力
攻桀宋浩事劉築七百六十磴上下捷猱鹿重來躡飛
霞一俯衆峯臨茶嶺接小竿突兀更騰伏澗澗下籟水

閩浙兩不蓄西流達江西百里走瀧瀑地脈所屈蟠龍
蛇斷起陸噓途暫顧眺前行勢方簇

西陽嶺

西陽最雄亘高出楓霞右直上八百級骨偃少豐肉嶺
泉苦寒冽竹木盡疎瘦其南驚斗落縉井滑瓶甃勢異
屈蚪蟠隘足虓虎守咄哉重關外復此天險湊建溪激
于箭分脈疏吭脰土名曰栖皇灘與黯淡闕下嶺憩臨
江幽蘭馨三嗅大湖又鬼戟喟然歎修褰

江郎石

峽口喜新晴遙覩江郎面羣峯讓而頰巍然出戟弁行

行環其西壁削火鍛鍊漸近露傑虎高髻搖盛鬚石骨
排劍牙昂首闕猛贗北轉得正觀三指擘鼈抃鄂不連
厥根左谿右一線兩耦參爲奇友于復婉變我來六謁
之舊夢愜新見山靈或開予天月妙根竈薄暮首清湖
回顧猶眷戀跋燭紀茲勝飛霞想片片

恩縣道中

昨午德州雨泥淖苦躑躅今晨恩縣晴清風蕩原陸旣
厭餅餌香復欣梁黍熟齊民脫飢瘵童稚亦果腹念昔
溝中燐變化等蛾蠋若敖詎不餒徐甲誰爲肉歲行有
盈虛人事須節蓄呼奴勿過饗仁者惜其福

石門

石門雙豁開幽敞通靈溪面削萬仞峯飛下垂天霓想
當霖雨足高挹懸河低冬晴尙如此夏浸天可稽淙淙
自太古湏洞無端倪披雲謝客臥未辨東與西再拜犁
眉公龍夔此蟄棲謫奇二鬼篇醉噴金華瓶漱瀑濯腸
胃吐氣儕徵珪卽境緬真隱大小理亦齊翹首軒轅邱
足弱愁攀躋安得駕雲鶴去掇芝田蕨

陸豐

陸豐分海豐本自東海濬南通碣石鎮東接甲子澳昔
當宋元交龍困猶一掉避哉文陸張力盡死不撓手浴

虞淵輪耿耿出反照魯陽戈豈回精衛血空漂扶輿有
正氣浩歌激商調敗爲肝納演成則力排異我行惠潮
間周咨動憑弔英風五百年一發鸞鶴嘯

彈子磯

挽舟上瀆水濯纓溯清溪誰持萬石弩落此彈子礮翠
壁矗千仞輪石神鑄剖瓏玲出竅穴丹鼎鑿甌窰其顛
叢萬綠櫟斧不敢梯延緣六十里日腳已向西飛寫仰
峰蝶戴景如丹鵬盤霄此巢窟卵育宜洞棲靈仙戲來
往抵鵲投簪笄何當風雨夜快覩垂虹霓

牡丹蘭花開以少見貴用張南湖芙蓉詩卻字韻

倣其體

愛花不著花飲酒不滿爵有如讀好書隨意觀大畧
豔冶當春時吾豈獨靜泊蘭秀挺幽芳牡丹敷葩萼招呼
二三友賞以提壺酌朝听殿映奩夜露弦輝閣色妍女
嬈姱香閨靈交錯坐起往復還獨賞思衆樂林園涉有
趣頗似脫軒鶴少美況兼攬懷抱此暫拓花如解我意
笑嗟心已諧試看婪尾春如水東赴壑安得指翔陽徘徊
駐景卻娉立汝何爲荏苒懷媚弱花神本不二環序
期久約

退思齋園中花木雜詠

野菊綴黃花顏色亦皎好雜開瓦礫旁糞壤出叢葆
彼色正中金氣得鮮顚誰能辨品彙汎愛足忘老不須
待佳節及此秋陽杲掇英荆榛間亦復開懷抱

馳情思江南望望間關意苒苒比金萱亭亭有遠致雖
非忘憂花亦足抒情思涉江芙蓉多美人何娟麗娛光
吹參差皎皎揚其袂所思在千里飛鳥何當寄

秦椒性辛烈苞角火欲然翠枝相間映的的揚朱丹誰
能嗜其味但以衆色觀雜之庶芥中皎皎齊璫珊美惡
從所取露雨同濡漙

芥有草木滋膾魚可用醬我今久蔬食此味亦供餉取

其散鬱滯行氣達腑臟摘鮮尤淨嘉消疏能滌蕩是宜
君子風蓋桂同直諒離離畦隴間生翠瀾可望

蘆腹常食珍可以寬胃膈初生脆而甘磊落間朱白小
澀亦可耐葉肥纓已圻漸老或鯁介稍費牙齒齧齧之
化爲腴山藥等風格吾衰此供餐呼丁試屢摘

小草苗紫英或以諸葛名江湖何蔓發品類豈蔓菁昔
我官楚北紫花徧蔓榮蛇山被錦繡十畝香色并北方
希爲貴舊雨尙有情當秋好識別爛漫期春明

綬帶拂長條黃花亦可采丰茸何娜娜猗靡相縈絆荏
苒不自將飄揚如有待託根底喬柯亦足婉蕸蒞物理

詎不然弱植或久在

丁香春蕊蕊紅白豔競韶舊柯芳未歇新植吾與饒誰
云兒女姿明璫從步搖吾于香色間不別蘭蕙椒六根
既解脫平視姬姜姚玉女倚方丈無心爲誰嬌

紅杏二月花秋暄綻數朶不知祥與異氣候無不可我
遊閩粵疆冬日爛卉果何樹不青山何花不灼火地氣
異南朔見少或怪夥君子道其常順時謹偏頗

桑葉何沃若甘萐何離離不爲蠶所飼卻與鳩醉宜高
者譌如葆短者肩參差我園隨其植材用無成虧採葉
拭吾身細字明襴褌

闕門帶青山上樹偃蓋松對我張鳳翅高節何童童其
下蔭流水倒影垂晶宮眇眇時拱揖羣卉環敬恭豈必
開三徑左右求羊蹤

六月初九日法時帆學士邀予遊極樂寺遂至畏
吾村拜李文正公墓紀此

極樂吾熟遊茲遊興非偶言尋先正藏得自學士手西
郊畏吾村大會寺之右磊磊五代邱祠堂奠尊卣當年
西涯公文采麟鳳極密勿宏正朝用意良忠厚清風五
十載不祀悲闕穀豐碑失麒麟耕墾夷部婁學士求荒
榛前身十八叟豈惟臭味同稽古獨尙友我來弔九京

蓋棺誰不朽喟然古達人一視彭殤壽

編竹籬

縛葦作藩落苒弱不經秋嫋嫋當朔風敲邪邪自由雜
植扶蘇莖施蔓壓上頭春來各萌芽綠縈生意拙乃知
因依理所託須喬樛雖非樹木計亦賴扶持周我將易
以竹挺然直且修十年吾已老愛樹誰翦劉徘徊籬勢
固爛漫花徑幽其北映朱藤其陽葵菽稠匏瓜何纍纍
垂實當綴旒黃花秋更好載酒來羊求吾師叔孫意傳
舍如始修

題吳翼堂先生洗竹圖

破書萬卷手始辣，嚼竹千畝腸逾清。先生洗竹意何似，
芟剔枝節留孤撐。并刀翦水碎鳴玉，礙道欲與長蛇爭。
殘鱗落甲淨如拭，叩之龍骨聲鏗鏗。空庭獨坐快有得，
醒耳一聽雷初鳴。枝歧葉亂不刺眼，靜看生意潛抽萌。
世儒讀書少涇渭，苦以蕪穢當菁英。胸中况有九牛在，
安得游刃空中行。先生當年叫鸞鳳，早截修幹調軒伶。
黃山歸來歲月古，且放苞籜敲雙琤。晚而觀物最愛此，
不與金木交枯榮。明珎个个餘土埽，奇理獨出橫庚庚。
文章老去更峻潔，惟有此君同性情。醉中舉觴歌萬首，
冉冉綠葉臨風傾。何當坐我竹影下，聽公擊杖清彭觥。

隆興寺大佛歌

并序

十七日過正定憇大佛寺銅象高七丈三尺寺
有宋碑僧惠演記畧云鎮州城西舊有大銅
佛唐時所鑄五代時鑠於契丹周顯德間毀
天下佛象以鑄錢至太祖開寶二年三月親
征晉閭五月巡邊駐蹕是州問像之興廢僧
可鑄對曰像間有字遇顯而毀遇宋而興乃
命脩之掘菜地得銅五臺山漂大木至以爲
梁柱於隆興寺建鑄凡七鑄而成四十三臂
具焉曰大悲觀音像時開寶四年也乾通元

年記其背有紹聖年間葛藥記一篇

西方化人御劫輪上天下地遺厥身高于兜率細鍼芥
範金攫土何足論偉哉此佛誰所鑄仰首不見肩與脊
七十三尺仞嵒嶮四十二臂拏輪囷傳聞有唐初冶造
鎮壓恒嶽同威神契丹燎原爍金鐵帝柴毀像輪算緡
火龍飛來吸汾晉黃袍駐馬搜荆榛老僧鐫刻符讖字
曰顯中罷宋再振萬銅裂地夜氣隱千木斫山鬼手龜
太乙六丁煽鑪炭寶月七鑄雄天人飛樓鑿空出偏袒
芙蓉十丈敷華茵到今自在閬泡幻恒水幾見清瀾淪
茂陵銅仙久入洛咸陽金人已避秦當此戰血猶在眼

銀首一呖吹千春我來摩挲古碑碣歎此遺跡偶未湮
憑欄縱眺極曠莽四遠雪海如翻銀秋毫泰山等無極
那用絕叫驚蒼口

正月初八日同程聘山少宗伯登黃鶴樓

揚舲東上渡夏口乘興更得淩高樓因山壓城雄萬古
古時豪傑今山邱長江南來漢西會兩岸列屋如星稠
大別鼉鼉龜出曝黃磯仰首蛇蟠修誰磨巨刃斷其脊
蛇山自東首西盤斷爲鼓樓頸鎖不遣交匹逯
大別山俗名龜山有鐵鎖關想當
割據動鱗甲牀下一閩千蚍蜉地形佳哉易衰盛水陸
奔轅爭吭喉憑軒豁目但長喟富貴何有眞浮漚神仙

駕鶴不可見奇士解羽空名洲我今躡步鉅公後暫弭
使節回歌游風暄日晴天借我豈忘芟涉泥沾裘造次
已無雲夢九漫汗欲小馮夷秋煩公拂髯出豪句肯放
崔李長皋平

磁州城北二十里爲杜村問之土人有漢杜太尉
喬墓在村西北里許隨詩之荒原孤阜無片碣
可考感而作此且致磁州牧李君晟誌之

邯鄲南發經杜村太尉無廟云有墳去村西北一里路
土人導我拜公墓獨騎躑躅沙礫中麥田春蔓平野空
坡陀孤阜無碑碣遙對太行埋碧血當年椒焰方燎原

金蛇不與私傳觀屏亭比肩抱日月虎穴刺手生糜爛
陳尸城北萬夫愴鈇鑕號天許歸葬魂歸漳溢長滔滔
白水已涸當塗高到今遺蛻一抔土西望長陵其榛莽
久騎箕尾上星辰不鑿麒麟護風雨我歌爲致州牧賢
且乞片石深題鐫誰能好事樹十畝更作新廟歆千年

晉王宮漆椀歌和齊進士翀

齊君示我古漆椀百年遺器出晉宮寶賢石斷砌馬櫪
此物真贗誰能窮黃金中途已攫去嗚然外殼康匏同
雕幾蜂蝶萼跼韡華質殷駸宜殄饒當年赤龍起豐沛
鏤金牀碎江州東欲以銅鑪教儉德更分寶玉班宗功

韓王中道答膳宰詔書馳戒何翦翦一傳燕啄劫七鬯
世守虎節完圭桐端王西河尤孝謹芝生泉湧天鑒衷
橫汾流觴珠履錯豔趙挾瑟醅顏紅酎金高廟拜膳服
有坐敲器銘謙冲豈知九鼎忽折足闐然大盜來劖潼
虜王鹽腦就桎梏美人睂井愁芎藭玉魚金盃尙不保
駝山夜發亡羊童微乎微者此何幸流傳好事催詩筒
君豪榮敦已在手我更何有爭雕蟲歲寒燭跋歌正放
浮白且潤鳴腸空

送王同年餘園

應絳州山長之聘

麟角鳳背膠朱弦王君落落猶青氈函牛之鼎烹大肉

王君瀟瀟抱孤竹隨身卷軸車兩箱風雪顧我古晉陽

五言碎琴露肝膽廿年彈指悲行藏天門射策排雲近

赤縣鋤强厲秋隼

君知武邑以揭武弁不得于上官

歸來學舍曠如舟

招鬼無聲怨虛化

改官教授有招鬼詩

截髮未報陶母恩捉鼻空

教謝妻哂飄然投劾馬首東遠遊燕趙黃金空長歌秦

聲激風雅北地獻吉康武功與君夜語春溶溶聚散車

笠如轉蓬論文豈敢恥王後喫果有例邀朱同汾河南

流去不遠千頃汪汪就黃憲

州牧黃君捷山

望雲迤邐接慈峯

吟風駘蕩滋芳畹請君浩歌觀九原

山在絳州趙文子游觀處古人

不死誰爲歎臨歧一尊莫辭醉火急寄我詩千篇

圭蒙

恩復入翰林竹君兄疊前韻見賀輒

疊奉答

方材宜軫園宜穀散樗亦受膏霖沐車行平地穩栖雞
巢近高天牧野鴛十年悔不熟讀書一枕何當淨指日
君如退之苦詰盤我學方平甘鞭朴布帆無恙到三山
肉芝可採輕九牧羨君高議開石渠坐令玉堂生曠曠
予雲口吃頌鴟夷不能爲舌聊爲腹偶作劉誓妻孥瞋
深辨韻書神鬼哭東坡有弟何敢望太邱必世應知惡
漫誇屋上星蔚然且聽宿前雨滲漉

渡揚子江登金山

廿年前上浮玉尖凌空下瞰根不黏山腰殿閣疑幻蜃
但見天水磨晶匳日歸風禱江陰口江神憐我啼幽苦
鯨吸鼇擲三百里夜半指點金焦瞻我今乘槎復遲此
江山舊雨心所欣清晨踰閘抵瓜步秋風初爽颺半帘
印須我友喜共舫挂席卽見青排籤中流掀簸稍呼洵
轉側帆腳迎飛廉儻瞬已繞伏牛麓老僧導我登嵯巖
聖神作迹照龍貝大書豐碣深磨鏤遂攀浮圖

第七級凌競四面窺周檐焦山覆金辨顛趾海山浴日
宜升遙長山銀赫接北固咫尺面勢窮毫纖頭陀洞前
小坐憩蓬開舵振憑窗策中冷試酌第一水清涼習習

解渴炎每逢勝蹟暫留眺左右
屹石迴瀧漸長江天塹限南北
一葉歌棹何輕恬人生邂逅適
如此乘流而逝坎則淹東坡無
田歸亦得祖生擊楫志豈厭登
舟歟乃達京口一笑底用熊魚
兼

呈顧河干先生

我年十五從師遊奇字疑義初
討蒐倪黃易傳強涉獵韓孟詩
句爭唱酬布衣羶帽惡不恥夜
雪僵立談魯鄒歸鴻南望感客
夢商聲苦調清猿愁臨歧拜別
淚霑臆如失喬木啼嚶咽微名
早竊辱詞館六年契濶祥琴幽
壬申計偕接杖屨梁園假館少
沐休

詔遴羣才

聚東闕雨立名姓欣傳籌拜

恩試尹潤畿輔經

術吏治非距鉤黔南粵東愛樹在良二千石咨刀牛抽
身忽作歸卧計湖山勝絕吾莧袞離師廿載矜未化請
堂樞謁來今秋吟風弄月心欲醉河汾弟子慙薛仇使
旋道浙暫信宿那得早暮依庭楸白駒易馳行難立輪
懷豈免虛車羞願從先生更請益示我歸處淙東流

富陽道中次黃左田韻

之江晴溯搖空蒼蔚藍倒影涵渺芒暗潮漸遠沙岸靜
碧玉簪彈菱花妝山枝誰唱思公子鷗浴鯨翻亦如此
市載老我七往還巖頂桐君青不死昨來拏棹錢唐東

鑑湖鄞江風景同釣臺七里最幽絕一重一掩探無窮
髭霜齒抗懶學道山鬼有靈顧我笑御風貫月更何人
如此江山竟空到連宵月出華滿江金波盪漾流珠降
眼酣心醉玩不得清夢不隔蓬萊窗同游初平真妙器
袞霞已識筌蹄棄然犀照水漫相矜靜鏡浮烟我何意
上灘邪許篙力柔下灘風勁箭射眸從流順逆各自努
一盞江水長油油

謁東坡亭卽公白鶴峯故居在歸善縣城北

八州督罷嶺外游三年放客仍淹留合江嘉祐未黔突
買山更上白鶴頭我行殘臘月正望百七十里勇未休

惠守導我謁祠蹟北江繞戶開軒幽山僧指觀百尺井
當年手鑿勿幕收嗟公丙子作重九朝霞已卷孤光秋
明年又復渡海去逆旅電遊真虛舟大賢所憩人愛樹
况此鴻爪了可求公神跨鶴返奎斗萬世俎豆同魯鄒
如公遷謫尚不朽而我擁節慙鞠謀西鄰咫尺勾漏令
東望拱揖韓潮州他年誰識盤陀老卻來此路停軒驪

舟行

粵人送我五嶺北皖人迎我三水南我身浮雲寄空曠
誰將逝影求江潭三年種樹未翦愛連宵好雨宜稼甘
舟行遲遲聽襖靄岸沙漠漠紆烟嵐吏民猶見古直道

祝我此去當迴驂我謝邦人情豈忍力微

恩重

才非堪蠻風蜚雨費調燮海鯨島鯉難驅截書生何有
銅鑄柱宦蹟或可山留龕食猶戒肉鍾敢斂飲能飲水
泉非貪皖山江月吾肺腑昔年餘澤猶津涵道旁父老
喜露冕燈前竹馬歌趨邇他時記我竭來處桑下已宿
浮屠三

過桐城喜晤姚姬傳員外道中作此奉東

與君齊年六十六浮生已可傲玉局

東坡卒年六十六
吾輩行將過之

君如高鶴避乘軒我比疲牛怯牽轂老耽六籍味轉腴
春過三眠絲欲熟易成久別驚七秋難得相逢笑一握

羨君瓠齒尙牢堅感我霜毛已驚禿
筇河遺卷要編紉

詹事聯吟嗟拱木

張璪亭少詹亦辛亥生于己丑年用東坡半字韻詩同有作張歸道山久

矣百年未死且懸疣三立誰成恥
食粟恩恩停蓋那抒

棕噉噉調飢方待粥

時將赴鳳泗查放災賑

大關北去月滿梁小

閣冬暄書壓屋上春梅放佇花嬌
清言蘭臭傾杯醪

有君

正月枉顧之意

與曹劍亭張白蕓遊十方院

揭來紅土硤爲訪白雲僧
西風正寥濶秋山日峻嶒
遊人轡五岳居士解三乘
我欲觀無始徘徊最上層

滕王閣

江山何浩曠今古共登臨尊酒聚冠蓋風雲助嘯吟刻
程將夙駕攬勝及分陰來往勞津渡憑闌一洗心

庚姪將至留示

七年不見汝相見欲滂沱叔姪情如此墳簾感若何吾
衰牙已豁爾壯氣須和他日斜川集還期繼頽坡

五河

五水交流會偏陬負郭清興臺尋路暗燈火渡河明飢
溺誰司牧艱難更勸耕憑軒春又到勞苦慰疲氓

舟中讀仲君兄手寄書尾五絕感而有作

對牀聽雨更何年蕭瑟蓬窗獨黯然千疊江山回首隔

三冬眠食幾生緣早希無葛真彭澤善學維摩似輞川
只有停雲佳節句沈吟開闔未終篇

除夕

三十辭親始壯遊五年歸去泣松楸對牀風雨真難得
過隙居諸肯暫留畫地那堪民命重貪天莫報

主恩稠兒郎守歲渾閒事老我春江日夜流

癸巳六月二十三日過吳家窰梁氏齋疊壁間前

韻

返照牛羊下嶺村自知鶴性倦乘軒三經桑下應成戀
百市桃蹊更不言何處鴻鵠謀漸木君家鸞隱可加殮

他年莫負紗籠意風雨還尋浣壁痕

聞竹君叔兄歸卽用程魚門吏部移居四首韻寄懷

天上星回客到家故巢無恙劇清華三年不負游山勝
一快何妨近市譁最是差池憐燕羽那堪風雨對萸花
知君過巷千行淚驚起連宵繞樹鴉

去來彈指等微塵拾得衣珠不厭貧顧我長爲登陸馬
羨君已是捨舟人
新恩藜火當軒煖舊雨桃花

滿座春挾策亡羊忙底事埽除脈望曬書頻

先生玉局本吾師生小連牀共擁衣餞歲疎星行照鬢

催梢乳籜欲穿屏

今年同得孫

側身風隔蓬山遠如願人從

江水歸珍重紫荊花好在池塘春草正芳菲

斗室年來悟集虛心輪聊欲駐飛車名浮萬象爭閭戶
掾有三言謹閉閭甘苦舌根分薺蜜酸鹹世味等醬茹
寸田莫忘誅茅約負耒何當共卜居

羊流店

羊叔子故里

徂徠迴首接崢嶸汶水西流逕鉅平石闕有人悲後死
金環何處證前生壺觴心醉吳家將裘帶風傳蔡氏甥
一統功成勞聖慮九原隨會共深情

送吳玉松吉士

一尊舊雨憶擔簦重棹仙舟慶得朋心部定涵金井水
頭銜須耐玉堂冰幾番視我頒添鶴此去期君翼運鵬
開濟要從書卷出豈徒高爵賦觚棱

寄湖南苑叔度學使

衡雲右望接蒼梧槎使文光射鳥帑一紙手書頒鄭重
七年情話久縈紆祇今戒律心逾細憶昔論兵膽尙麤
君從征臺
灣有功問訊飛鴻消息捷懸河早晚近巴巫